



Izeta Sarajlića 20
75000 Tuzla
Bosna i Hercegovina
Tel/fax: +387 (0)35 226-577

e-mail: info@tkfenix.ba Skype: [tk.fenix@bih.net.ba](https://www.skype.com/user/tk.fenix@bih.net.ba)



Naš znak: 020/19
ID broj: 420934123005

<http://tkfenix.ba>

Tuzla, 31.8.2019.

Drugi poziv na konferenciju za medije

Ususret novim promotivnim aktivnostima u sklopu medijske kampanje „Bezbroj razloga za život“, kao i dvadesetogodišnjici kontinuiranog rada koju će Udruženje „Feniks“ obilježiti u aprilu sljedeće godine, organizuje se

PRESS KONFERENCIJA

**u subotu 31.8.2019. godine u 11:30 sati,
u prostorijama Udruženja za uzajamnu pomoć u duševnoj nevolji TK „Feniks“,
Izeta Sarajlića 20, Tuzla.**

Na konferenciji će se obratiti:

- gđin Vahid Đulović, Predsjednik Udruženja za uzajamnu pomoć u duševnoj nevolji TK „Feniks“;
- gđin Bojan Šošić, član Stručnog odbora Udruženja „Feniks“;
- prof. dr Esmina Avdibegović, šef Stručnog odbora Udruženja „Feniks“, kao i
- gđin Jasmin Palata, Dopredsjednik Udruženja „Feniks“.

Konferenciju će moderirati gđa Sandra Marković, član Stručnog odbora Udruženja „Feniks“. Pozivamo predstavnike medijskih kuća da se nakon konferencije zadrže u prostorijama Udruženja gdje će za njih i druge goste od 12 sati biti upriličen **ručak**. Iskreno se nadamo da ćete prisustvovati konferenciji za medije i shodno prenijeti relevantne informacije građanima.

SAOPŠTENJE / SAOPĆENJE ZA MEDIJE

Svjetski dan mentalnog zdravlja, 10. oktobar/listopad, obilježava se na inicijativu Svjetske federacije za mentalno zdravlje od 1992. godine. Tema ovogodišnjeg Svjetskog dana mentalnog zdravlja je „Promocija mentalnog zdravlja i prevencija samoubistva“. S obzirom na rastući izazov pojave samoubistava u svijetu i kod nas, ali i kontinuirane probleme s kojima se suočavaju mladi i koji ih nerijetku tjeraju na emigriranje iz BiH, Udruženje „Feniks“ će od oktobra ove godine pokrenuti novu kampanju pod naslovom

„BEZBROJ RAZLOGA ZA ŽIVOT“.

Kampanja se provodi kao dio projekta „Organizaciono i institucionalno jačanje 'Feniksa' s razvojem mehanizama održivosti“ koji Udruženje provodi u partnerstvu sa švedskom nacionalnom asocijacijom za socijalno i mentalno zdravlje RSMH, u okviru programa MyRight BiH.

Samoubistvo je pojava koja postoji koliko i civilizacija, ali u posljednjim desetljećima, zahvaljujući nizu složenih uslova i činilaca, postaje sve raširenije. Razmjere koje pojava samoubistva poprima u modernom dobu nisu ništa manje nego alarmantne. Procjenjuje se da godišnje od svoje ruke umre oko

TRANSAKCIJSKI RAČUNI

NLB–Banka Tuzla
Sberbank BH d.d.

132-100-03092559-90
1401011130006674

800.000 ljudi širom svijeta, a samoubistvo je primarni uzrok smrti kod osoba između 15 i 29 godina starosti.

Udruženje za uzajamnu pomoć u duševnoj nevolji TK „Feniks“ nastoji primjerima svoje višegodišnje uspješne prakse skrenuti pažnju na mogućnosti oporavka od ličnih kriza i na prilike za suprotstavljanje pritiscima života u modernom dobu, naročito u društvu u kojem se ekstremni stresovi akumuliraju ne samo godinama i decenijama, već se prenose iz generacije u generaciju.

Stoga molimo predstavnike medija, čija podrška nam je bila izuzetno značajna u ostvarivanju dosadašnjih rezultata, da povedu računa o korektnom i odgovornom izvještavanju o dešavanjima u koja su uključene osobe s duševnim smetnjama i korisnici usluga službi za zaštitu mentalnog zdravlja. Potrebno nam je izvještavanje koje će u većoj mjeri uzimati u obzir raznorodnost duševnih stanja i stav struke, čime bi se minimizirala mogućnost kreiranja negativne slike koja jednako pogađa sve osobe u duševnoj nevolji. Stigmatizirajući stavovi koji postoje u javnosti su jedna od najozbiljnijih prepreka da se ljudi kojima je potrebna pomoć za tu pomoć i obrate, možda nekad i da se spriječe najnepovoljniji ishodi koji su i tema ovogodišnjeg Svjetskog dana mentalnog zdravlja. Pravovremene intervencije i podrška mogu pomoći ljudima da se iz stanja duševnih kriza vrate na put zdravog doprinošenja zajednici, da budu produktivni roditelji, direktori, radnici, ljekari, naučnici...

Nažalost, korisnici usluga u mentalnom zdravlju su prepušteni na milost i nemilost onih koji od entiteta do entiteta i od kantona do kantona odlučuju koji lijekovi treba da budu na listama, nakon što se iz budžeta za zdravstvo podmiere rashodi koje je sve teže dovesti u vezu s pacijentima. Politika je temeljni razlog što su ovu zemlju napustili i napuštaju stručnjaci koji su svom poslu bili najpredaniji i od kojih su i korisnici usluga u mentalnom zdravlju mogli imati najviše koristi.

Prije dvadesetak godina započeli smo korisnički pokret u mentalnom zdravlju u našoj zemlji, okupljanjem osoba čiji problem su bili u domenu klasične psihijatrije, kako bismo izgradili optimalne uslove da si pružimo uzajamnu pomoć i pored usluga profesionalaca. Danas vidimo nešto drugo, više nego ikad ranije: beznade nezaposlenih, ogorčenje nesebičnih, osjećaj bezizlaznosti, bujanje vršnjačkog nasilja, omladinu – pa i djecu – zatrovanu nacionalizmom i razlikama za koje se tek pretvaraju da ih razumiju... Izazovi mentalnom zdravlju u današnjoj Bosni i Hercegovini su od medicinskih problema iskoračili u smjeru socijalne patologije.

A šta je dovelo do toga? Iluzije koje političari nude nerijetko su stvarne upravo koliko i halucinacije u psihotičnim stanjima. Ali možda i strašnije. Bar mi znamo o čemu govorimo. Zato apelujemo na političare da se bez obzira na dosadašnje „uspjehe“ na planu raspamećivanja naroda, okane amaterizma – temu odsustva zdravog razuma neka ostave onima koji o tome ipak znaju više – korisnicima usluga i profesionalcima u mentalnom zdravlju.

U slučaju da je retorika kojom se uporno služe izraz njihovih vlastitih frustracija, želimo da podsjetimo one koji prednjače u blokiranju napretka u ovom društvu, da širom BiH postoje institucije i udruženja posvećena promociji mentalnog zdravlja i koja svakome mogu pružiti besplatnu podršku. Političari, pamet u glavu!

Članovi Udruženja za uzajamnu pomoć u duševnoj nevolji TK „Feniks“, Tuzla

TRANSAKCIJSKI RAČUNI

NLB–Banka Tuzla
Sberbank BH d.d.

132-100-03092559-90
1401011130006674